



Broj: 01-02.2-4372-7/16

Datum: 27.5.2016.godine

Na osnovu čl. 100. stav 3. Zakona o javnim nabavkama –ZJN ("Službeni glasnik BiH" br.39/14) i člana 223. Zakona o upravnom postupku Bosne i Hercegovine ("Službeni glasnik BiH" br.29/02,12/04,88/07,93/09 i 41/13) rješavajući po žalbi Instituta za mjeriteljstvo broj 06-46-6-AB-843-1/16 od 25.5.2016.godine, na tendersku dokumentaciju za nabavku usluga umjeravanja vaga za mjerenje mase i osovinskog opterećenja vozila za 2016.godinu Uprava donosi:

ODLUKU

Poništava se postupak nabavke usluga umjeravanja vaga za mjerenje mase i osovinskog opterećenja vozila za 2016.godinu, broj:JPCFBH/02.2-4027-U/16-RB.

O b r a z l o ž e n j e

U skladu sa članom 18. Zakona o javnim nabavkama („Službeni glasnik BiH“,br.39/14) JPCFBiH (Ugovorni organ) je pokrenula ponovljeni konkurentski postupak javne nabavke predmetnih usluga broj: JPCFBH/02.2-4027-U/16-RB objavljivanjem obavještenja o nabavci na portalu javnih nabavki 19.5.2016.godine.

Dana 25.5.2016.godine nam je dostavljen podnesak (koji Ugovorni organ smatra žalbom) Instituta za mjeriteljstvo BiH, kao zainteresirane stranke, koji je ugovorni organ razmatrao kao žalbu na tendersku dokumentaciju za nabavke usluga umjeravanja vaga za mjerenje mase i osovinskog opterećenja vozila za 2016.godinu.


Instituta za mjeriteljstvo BiH je u skladu sa odredbama Zakona o upravnom postupku, kao zainteresovana stranka, u žalbi naveo da je termin u nazivu postupka javne nabavke usluga "umjeravanje" vaga za mjerenje mase i osovinskog opterećenja vozila za 2016.godinu nije adekvatan i da može ugroziti transparentnost o konkurentnost usluge predmetne javne nabavke, tako što u postupku mogu učestvovati pravna lica (laboratorije) koje ne posjeduju Rješenje o imenovanju podnositelja žalbe. Naime, imenovanje pravnih lica (laboratorija) od strane Instituta za mjeriteljstvo Bosne i Hercegovine je u skladu sa članom 15. stav 1. Zakona o mjeriteljstvu BiH („Službeni glasnik BiH“ broj:19/01), te je isti isključivo nadležan za imenovanje navedenih laboratorija koje jedine mogu vršiti verifikaciju mjerila. Predlaže da termin "umjeravanje" u ponovljenom postupku treba biti zamjenjen terminom "verifikacija", obzirom da mjerila mase (vage) pripadaju mjerilima iz oblasti zakonskog mjeriteljstva za koja su propisani redovni rokovi verifikacije. U skladu sa izloženim žalitelj predlaže da se u ponovljenom postupku tenderskom dokumentacijom traži certifikat o verifikaciji umjesto certifikata o kalibraciji koji se tražio u postupku nabavke usluga umjeravanja vaga za mjerenje mase i osovinskog opterećenja vozila za 2016.godinu, broj:JPCFBH/02.2-4027-U/16-RB, a sve u cilju postupanja u skladu sa pozitivnim propisima iz oblasti mjeriteljstva.


Ugovorni organ je izvršio uvid u konkurentski postupak javne nabavke predmetnih usluga broj: JPCFBH/02.2-4027-U/16-RB, razmotrio navode žalbe i utvrdio da su isti osnovani iz razloga propisanih Zakonom o mjeriteljstvu BiH na koje žalitelj ukazuje, te je donio odluku kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Direktor

Ljubo Pravdić, dip.ing.grad..



Dostavljeno:

1. Ponuđačima
2. a/a